



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliae Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

101. An saltem tempore interdicti liceat ministrare consecrationem
Episcoporum in illis quatuor Festivitatibus, in quibus ex indulto Cap. Alma,
permittitur celebratio sollemnis divinorum Officiorum? ...

[urn:nbn:de:hbz:466:1-76369](https://nbn-resolving.org/urn:nbn:de:hbz:466:1-76369)

RESOL. XCIX.

An Episcopus consecratus ab heretico, seu excommunicato efficiatur irregularis, & priuatur usu Ordinum?
 Et supponitur ordinatum ab heretico, suspenso, excommunicato, degradato, &c. prohiberi ab exercitio Ordinis accepti, atque incurere irregularitatem, si suo Ordine utatur.
 Et quid, si à prædictis aliquis cum ignorantia Ordinaretur? Ex p. 12. tit. 1. Ref. 99.

§. 1. **R**espondeo Episcopum consecratum, vel alium Ordinatam ab Episcopo heretico, suspenso, excommunicato, degradato, seu non denunciato non incurere excommunicationem, neque irregularitatem, neque priuati vfu sui Ordinis. Suppono imprimis tum Ordines, tum alia Sacramenta, ad quorum valorem non requiritur iurisdicatio, valide conferri posse ab excommunicatis, suspensis, atque etiam hereticis.

2. Suppono secundò, Ordinatam ab heretico suspenso, & excommunicato prohiberi ab exercitio Ordinis accepti in ordinantis execrationem, atque incurere irregularitatem, si suo ordine utatur. Ita Henriquez Valent. & alij conuenerunt apud Barbosa alleg. 3. de potest. Episcop. num. 3. Couarru. in cap. Alma mater 1. part. §. 6. qui omnium concordem sententiam esse affirmat, & patet ex cap. 2. de Schismat. vbi Innocent. III. scribit Bifuntino Episcopo, vt Priorem ab Schismatico ordinatū repellat ab Ordinibus, nisi doceat ab habente potestatem secum fuisse dispensatum, & cap. 1. de Ordinatis ab Episcopo, qui renunciauit Episcopatu, statuit Alexand. III. ad Tolentanum Archiepiscopum scribens, vt eiusmodi executionem Ordinis facti non retineant; & Gregor. IX. ibidem cap. 2. de Ordinatis ab excommunicato, si ignoranter peccauerunt, indulget, vt eum ipsis dispenserent, & sane cum talis Episcopus hereticus, excommunicatus, simoniacus, suspensus non habeat vsum Ordinum, illum dare non poterit, iuxta regulam Verbanii II. ad Episcopum Pistorien. in cap. Beibertum 1. quæst. 7. qui nihil habuit: nihil dare potuit. Dixi nihilominus ordinatum ab Episcopo heretico, & excommunicato non denunciato, fore irregulares, & habere liberum exercitium Ordinis à tali Episcopo accepti, quod ex communi sententia docet Sanchez lib. 3. de Matrim. disp. 22. num. 35. Henriquez lib. 13. cap. 39. Barbosa alleg. 3. de potest. Episcop. numero 17. Malcard. de Probat. concl. 649. num. 45. & alij, quia ex favore Extrauag. ad existenda, neminem non denunciatum etiam in Sacramentorum receptione, vitare tenemur. Neque Couarru. in cap. Alma mater, 1. part. §. 6. num. 6. & alij Canonistæ apud ipsum rectè obiciunt cap. 2. de ordinat. ab eo, qui Episcopatu renunciauit. Vbi Pontifex indulget dispensari cum ignorantet ordinatis ab Episcopo excommunicato; loquitur etiam de Episcopo publicè excommunicato, qui tamen occultus sit ordinato, vbi contingere potest: tunc enim illa ignorantia non excusat ordinatum, qui idcirco indiget dispensatione, quæ tamen facilius ad illam ignorantiam indulgetur; deinde veteri illi iuri derogatum fuit per Extrauag. ad existenda. Et hæc omnia docet eruditus Gibalinus de Censuris, disquisit. 7. quæstione 1. consecr. 23. numero 48.

RESOL. C.

An liceat tempore interdicti Consecrationem Episcopalem ministrare?
 Et quid de ministracione Ordinum tempore interdicti, quamvis locus sit interdictus ab ipso Ordinante?
 Et an saltem Sabbato Sancto in loco interdicto possit Episcopus conferre Consecrationem Episcopalem? Ex p. 12. tract. 1. Ref. 100.

§. 1. **S**uppono tempore Interdicti administrationem, receptionem Sacramentorum prohibitam esse exceptis casibus in iure expressis, vt deciditur capite, responso, de sentent. excommunicat. & cap. si sententia eodem titul. in 6. Hoc supposito clarè patet non posse Episcopum tempore interdicti ministrare consecrationem Episcopalem, quæ vt supra satis probatum, est Ordo, & Sacramentum. Et Sacramentum ordinis certa sententia est, in loco interdicto; vel personis specialiter interdictis nullo modo conferri posse, bene tamen generaliter interdictis in loco non interdicto; quia quælibet Sacramentorum receptio, & administratio in loco interdicto, vel personis specialiter interdictis prohibita est. Secus verò hic qui generaliter tantum interdicti sunt in loco non interdicto, colligitur ex c. responsi de sent. excom. At nullibi inuenitur Ordinis Sacramentum exceptum: ergo intelligendum est prohibitum iuxta text. in cap. si sent. excomm. in 6. & tradunt ferè omnes DD. teste Couarruuias cap. Alma 2. part. §. 3. num. 4. Nauarrus cap. 27. num. 179. Henriquez lib. 13. cap. 45. num. 2. Sayrio lib. 5. Thelauri cap. 7. num. 35. Suarez disp. 3. sect. 1. num. 4. Filiucci tract. 18. cap. 2. n. 47. Bonac. disput. 5. punct. 3. §. 3. num. 3. Paulus Layman lib. 1. summa, tract. 5. part. 4. cap. 2. num. 1. Quæ omnia procedunt, quamuis locus sit interdictus ab ipso Episcopo ordinante; debet enim interdictum actum tollere, vel suspendere ad illum, & ratio est, quia interdictum locale habet suos effectus ex iure communi in quo non potest Episcopus dispensare. Et ita ex Henriquez docet Auila part. 5. disp. 4. sect. 1. dub. 8. & Præpositus in 3. part. cap. 4. de interdicto, dub. 3. num. 24.

2. Sed difficultas est, an saltem Sabbato sancto in loco interdicto possit Episcopus conferre consecrationem Episcopalem, & videtur quod sic, quia festiuitas Paschalis à Missa incipit: at Ordinum collatio ex præscripto Ecclesiæ Missæ, diuinisque Officiis, eod die peragendis est necessaria. Ergo concessa Missa, & diuinis Officiis, ceteri debet concessa Ordinum collatio. Nihilominus oppositum pro certo tenendum est cum Paludano in 4. distinct. 8. quæst. 8. art. 2. princ. conclus. 6. Couarruuias in cap. Alma, 2. part. §. 3. num. 3. quia Ordinum collatio non est ita accessoria celebrationi, & diuinis Officiis Sabbati sancti, quin absque illa peragi possint, non enim accedit necessarium, sed voluntariè, quia Ecclesia non præcipit Ordines conferre, sed permittit. Ergo ex concessione celebrationis, & Officiorum diuinorum hæc Ordinum collatio non intelligitur concessa, aliàs in diebus Quatuor Temporum seruata moderatione, cap. Alma mater, possent saltem iis qui in clericali statu sunt adscripti conferri quod est falsum. Et hæc omnia docet etiam Castus, Palaus tom. 6. disp. 5. punct. 4. num. 4.

Sup à Ref. 1. vsq. ad Ref. 11. exclusiue, huius tract.

RESOL. CI.

An saltem tempore interdicti liceat ministrare Consecrationem

tionem Episcopalem in illis quatuor festiuitatibus, in quibus ex indulto cap. Alma, permittitur celebratio solemnium diuinorum Officiorum?
Et an ex iure antiquo, & nouo prohibita sit Ordinum ministratio tempore interdicti?
Idem est de alijs Sacramentis exceptis Baptismi, & Pœnitentia. Ex p. 12. tract. 1. Ref. 101.

§. 1. **R**espondeo negatiuè, & ratio est, quia iure antiquo est prohibita ministratio sacramenti Ordinis tempore interdicti: at sic est quod iure nouo *cap. Alma*, confirmatur prohibitio iuris antiqui omnium Sacramentorum, exceptis Baptismi, & Pœnitentiæ, &c. Ergo sacramentum Ordinis; sicut olim non concedebatur tempore interdicti, ita nec modo. Et ita docet Alterius *tom. 2. disputat. 4. cap. 6. Couarruias in cap. Alma, part. 6. §. 3. num. ... Auila de censur. part. 3. disput. 4. sect. 1. dub. 8. concl. 1. Cornejo in 3. part. D. Thoma, disput. 2. de interdicto, §. 1. dub. 6.* & alij, penes ipsos. Quæ omnia procedunt in consecratione Episcoporum; nam vt supra probauimus, Ordo & Sacramentum est; ergo, &c. Et nota cum Leandro de Sacrament. *tom. 1. tract. 5. disput. 5. quest. 28.* & Doctotibus citatis, non licere ministrare Sacramentum Ordinis, & per consequens consecrationem Episcoporum tempore interdicti adhuc inuis, clausis, & interdictis & excommunicatis exclusis. Nam per *cap. Alma*, solum permittuntur Officia diuina cum moderatione ibi assignata, non verò Sacramenta alia præter dicta.

Sup. à Ref. 1. 763; ad Ref. 12. exclusiue de mpta Ref. 4. huius tract.

RESOL. CII.

An sola Consecratio Episcopi, vel etiam si tantum sit electus, & confirmatus tribuat ei priuilegium, cap. fin. de priuileg. in 6. Altaris portatilis?
Et supponitur Episcopus libere posse in Palatio erigere Oratorium? Ex p. 12. tract. 1. Ref. 102.

§. 1. **S**uppono ex dicto capite, quod Episcopus libere possit in suo Palatio erigere Oratorium, vt ibi celebret vel Missam audiat. Et quamuis textus exigere videatur, vt eo priuilegio fruatur, quando non potest commodè ad Ecclesiam accedere. Nihilominus iam vltus obtinuit, & communis sensus Doctorum declarat, vt possit libere Episcopus, & ob solam maiorem commoditatem eo priuilegio vti. Suarez de Sacrament. *disputatione 81. sect. 3.* Layman, Faustus, Marchinus, & alij. Et me citato doctissimus noster P. Quartus in Rubr. *Missalis part. 3. tit. 10. sect. 2. dub. 2.* Hoc supposito, dicendum Episcopum electum, & confirmatum non frui hoc priuilegio, sed tantum Episcopum consecratum, quia Episcopus per consecrationem efficitur verus Episcopus, vt habet Glossa in *cap. 1. verb. dedicanda, de religiosis domibus.* Et ita tenent Alciatus *consil. 1. num. 2. lib. 2.* Hostiens. *capite cum olim 2. num. 10. de priuileg. Anan. cap. fin. numero 8. de regul.* Et fundantur in text. *capite vnic. 10. quest. 1.* vbi eximitur à iugo regulæ is quem sacra ordinatio de Monacho Episcopum facit. Ergo Episcopus per solam consecrationem efficitur Episcopus.

2. His tamen non obstantibus doctissimus P. Tancred. in *qq. moral. tract. 2. quest. 48.* late firmat, quod Episcopus electus, & confirmatus, sed nondum consecratus, possit in suo Palatio priuato habere Oratorium, vt ibi celebret, & Missam audiat, & ita in facti contingencia consuluit Illustrissimo Domino meo Episcopo Pastensi D. Aloyfio Cameros

Sup. hoc, quod hic supponitur, sup. in tr. 2. Refol. 1. & eursim in alio § eius annot.

viro propter egregia sua merita nunquam satis laudato. Ergo hanc sententiam libenter amplector, & in gratiam amicissimi viri Patris Tancredi ad magis firmendam eius sententiam adduco auctoritatem aliorum, & ideo ita docet Gaudentius in *Enchirid. Episcoporum, verb. Episcopus, num. 8. & sequentib.* vbi sic ait: [Potest Episcopus portare secum Altare viaticum & in itinere, & in quolibet loco suæ habitationis decenti Missam celebrare, vel celebrari facere, *cap. vltim. de priuileg. in 6.* Etiam in aliena Diocesi, etiam si non sit consecratus.] Ita ille, cui adde Squilant. de *Priuileg. Episcop. part. 3. cap. 4. quest. 4. numero 15.* Nec obstat *cap. vnic. 28. quest. 1.* superius adductum; nam in illo textu habetur, quem canonica electio à iugo monasticæ professionis manifestum sit, quod per electionem, seu confirmationem eximitur à iure monasterij; & transferitur ad statum Episcopalem. Cum autem subditur, & sacra Ordinatio de monacho Episcopum facit. Si nomine sacre Ordinationis intelligatur consecratio, sensus est; quod ipsa de monacho faciat Episcopum completiuè: non quia dat statum, sed quia complet statum per potestatem Ordinis. Quod tamen non obstat quin Episcopus electus, & confirmatus non possit frui dicto priuilegio *cap. finalis.*

3. Confirmatur hæc opinio ex dicendis in sequenti resolutione. Vnde ex his ego infero, quod fuerit confirmatus Episcopus, licet non consecratus; ita Rodriguez in *qq. Regular. tom. 3. quest. 69. numero 4.* Sanchez in *summa, tom. 2. libro 7. cap. 32. num. 67.* Faustus in *Thesaurio libro 8. quest. 46. edit. noua Neapolitana.* Barbol. de *potestate Episcop. part. 3. alleg. 114. num. 24.*

RESOL. CIII.

An sola consecratio Episcopi tribuat ei priuilegium cap. cum eo, de pœnitent. & remiss. conferendis Indulgentias, vel etiam post electionem, & confirmationem possit illas concedere?
Et notatur, quod licet plures Episcopi ad Ecclesia dedicationem presentes sint, non possit nisi vnus annu Indulgentiam simul concedere.
Secundo, an Episcopus possit concedendi Indulgentiam delegare simplicis Sacerdoti, vel cuiuscunque Clerico?
Tertio dicitur non posse Episcopum Indulgentias concedere pro defunctis.
Quarto aduertitur, quod largitio Indulgentiarum est actus iurisdictionis voluntaria.
Quinto queritur, an in loco exempto possit Episcopus concedere Indulgentias?
Sexto notatur, Episcopos præter Indulgentias annuam in dedicatione Ecclesia, & pro diebus alijs temporibus non posse in foro pœnitentiæ plures concedere?
Et obseruatur, quod Episcopus, etiam si non sit consecratus, dummodo sit electus, potest conferre beneficicia.
Et tandem docetur, quod Episcopus non consecratus, sed electus, & confirmatus potest absoluerè à iuramento. Ex p. 12. tract. 1. Ref. 103.

§. 1. **S**uppono ex dicto cap. quod Episcopi, & Archiepiscopi possunt tantum dare Indulgentias vnius anni in dedicatione Ecclesia, alijs verò temporibus quadraginta solum dierum prout statuerunt Innocentius III. in Concilio Lateranensi. & cap. cum ex eo, de iur. de pœnitentijs, Honorius III. cap. nono, de iur. de pœnitentijs, Bonifacius VIII. cap. Indulgentias.

Sup. hoc, quod hic supponitur, sup. in tr. 2. Refol. 1. & eursim in alio § eius annot.